

淮南萬畢術附補遺再補遺  
元元出行包包數總義  
經鏡傳鏡





江苏工业学院图书馆  
藏书章

撰 安 劉  
輯 翼 馮 孫

叢書集成初編

(補印本)

淮南萬畢術及其其他四種

一九三九年十二月初版  
一九五九年十月補印

商務印書館出版

上海市印刷四廠印刷

# 淮南萬畢術

隋志·淮南萬畢經·淮南變化術·有二書·唐志則稱淮南王萬畢術·昔人徵引·皆稱萬畢術·今從其名·

瀋陽孫馮翼輯

理髮竈前婦安夫家。

藝文類聚卷十七人部·太平御覽卷三百七十三人事部·

用麻子中人桐葉米汁煮之得二十日髮長。

藝文類聚同上人部·

孤桃枝之券令雞鳴。注曰取孤桃南北行枝長三尺折以為券塗以三歲雄雞血夜居棲下則鳴。

藝文類聚卷八

十六果部·又太平御覽卷九百十八羽族部·引云·孤桃之象·令雞夜鳴·

八月榆櫛。

音而·

令人不飢。

藝文類聚卷八十八木部·

注曰以美酒漬榆櫛曝乾以清梁米紫萁實蒸令相合欲不食者

三指撮酒以服之即不飢耳。

太平御覽卷九百五十六木部·

桐木成雲。

藝文類聚同上·

注曰取十石瓦罌滿水中置桐罌中蓋之三四

此下四字原本模糊·

雲作也。御覽同上木部·又卷七百三十六方術部·

引云·梧木成雲·取梧木置十石瓦罌中·氣盡則出雲·

歸終知來猩猩知往。注曰歸終猩猩並神獸。

藝文類聚卷九十五獸部·太平御覽卷九百十一獸部·

狐目狸齒鼠去其穴。

藝文類聚同上·

注曰以塗鼠穴即去。

御覽同上·

被髮向北咒殺巫鼠。

藝文類聚同上·

注曰夜有鼠

巫被髮北向咒曰老鼠不祥過者受其殃。

御覽同上·

千歲羊肝化為地宰蟾蜍得苽卒時為鶉。

法苑珠林卷十一·

青泥殺鼈得莫復生。藝文類聚卷九十六麟介部。太平御覽卷九百三十二麟介部。

龍脂得火可以燃鐵。御覽同。若燒龍致鼈。藝文類聚卷九百三十二麟介部。注曰：取龍燒之，龍自至。御覽同上。

鵲令蝟反復者，謂憎其意而心惡之也。史記集解卷一百二十八龜策列傳。

神龜在江南嘉林中。史記龜策傳。褚先生曰：臣為郎時，見萬畢石朱方傳曰：神龜在江南嘉林中。司馬貞索隱曰：萬畢術有石朱方。方中說嘉林中。故云。

蛇無故鬪於君室，後必爭立小死，小不勝，大死，大不勝，小大皆死，皆不立也。開元占經卷百二十。

螢火却馬。注曰：取螢火裹以羊皮，置土中，馬見之，鳴却不敢行。初學記卷三十蟲部。太平御覽卷九百四十五蟲多部。

欲致疾風，焚雞羽。御覽卷九十九天部。

埋石四隅，家無鬼。太平御覽卷五十一地部。注曰：歲暮臘，埋圓石於宅隅，雜以桃弧七枚，則無鬼疫。御覽卷三十三時序部。

東行馬蹄土，令人臥不起。御覽卷三十七地部。

竈之土，不思故鄉。御覽同上。

方諸取水。注曰：方諸形若杯，以五石合治，以十二月夜半作之，以承水，即來。御覽卷五十八地部。

竈神晦日歸天，白人罪。御覽卷一百八十六居處部。

拔劍倚戶，兒不夜驚。御覽卷三百四十四兵部。卷七百三十六方術部。

牛翁十四，可以強弩。注曰：取牛翁十四枚，曲蟻白頸者二十，以三尺新布裹之，活塗布着之，毋令人見，用

之弩，令溫引之，校半力也。御覽卷三百四十八兵部。

馬柳生腐茅。注曰。取馬柳生茅。合以爲藥。食煞鳧矣。御覽卷三百五十九兵部。

鴻毛囊之。可以渡江。御覽卷七百四服用部。注曰。盛鴻毛於繩囊。可以渡江不溺。御覽卷九百十六羽族部。

磁石抵拒一作碁。注曰。取雞血雜磨針鐵杵。和磁石。碁頭置局上。卽自相抵。御覽卷七百三十六方術部。按史記

惟注語與此同。若御覽卷九百八十八藥部。引云。磁石拒碁。注曰。取雞血作針。針磨鐵鑄之。以和磁石。日塗碁頭。曝乾之。置局上。卽相拒不休。字句較異。

鵲嚙令人相思。注曰。取雌雄鵲各一。燔之。四道通。丙寅日。與人共飲酒。置嚙酒中。則相思也。御覽同上方術部。又卷九百

二十一羽族部。引云。取鵲一雄一雌。頭中嚙。燒之於道中。以與人酒中。飲則相思也。

老槐生火。膠燒水則清。樊箕止鹹。注曰。取箕以內醬中。鹹著箕矣。御覽同上方術部。

首澤浮鍼。注曰。取頭中垢。以塗塞其孔。置水卽浮。御覽同上方術部。

燒角入山。則虎豹自遠。注曰。惡其臭也。御覽同上方術部。又七百六十六雜物部。又八百九十一獸部。

赤布在戶。婦人畱連。注曰。取婦人月事布。七月七日。燒爲灰。置楣上。卽不復去。勿令婦人知。取荅反置。嬰

中自沸如雨也。荅字未審。又取荅二句。似別一事。原本誤合。存考。御覽同上方術部。

銅甕雷鳴。注曰。取沸湯置甕中。堅塞之。內於井中。則作雷鳴。聞數十里。御覽同上方術部。又卷七百五十八器物部。又白帖卷十三語少簡。

取家祠黍以啖兒。兒不思母。御覽同上方術部。又卷八百五十飲食部。

取門冬赤黍。漬以狐血。陰乾之。欲飲酒。取一丸置舌下。酒吞之。令人不醉。御覽同上方術部。又卷八百四十二百穀部。

艾火令雞子飛。注曰。取雞子去汁。然艾火。內空中。疾風高舉。自飛去。御覽同上方術部。專引注語。至卷九百二十八羽族部。全引之。又自飛去句。作因

與之飛

門冬赤黍。薏苡為丸。今婦人不妒。御覽同上方術部。又卷八百四十二百穀部。

馬毛犬尾。朋友自絕。注曰：取馬毛犬尾置朋友夫妻衣中，自相憎矣。御覽同上方術部。又卷八百九十六獸部。卷九百五獸部。

削木令圓，舉以向日，以枝承其影，則火生。御覽同上。方術部。

取牛膽塗熱釜，即鳴矣。御覽同上方術部。又卷七百五十七器物部。

取伯勞血塗金，人不取化為石也。御覽同上。方術部。

狼皮在戶，羊不出牢。御覽同上。方術部。注曰：羊畏狼，取狼皮以當空戶，則羊畏不敢出矣。御覽卷九百九獸部。

燒木賣木賣酒，人民自聚。注曰：取失火家木，刻作人形，朝朝祭之，人聚矣。御覽同上。方術部。

蝟膏塗鐵，柔不折。鐵。御覽同上方術部。又卷九百十二獸部。

甌瓦止鼻鳴。注曰：瓦止鼻鳴，取破甌底向抵之，則輒止。御覽同上方術部。惟引注語。其甌瓦止鼻鳴句。見卷九百二十七羽族部。又未有物相勝其性耶句。

犀角駭狐。御覽卷八百九十獸部。注曰：犀角置狐穴中，狐不歸。御覽同上。方術部。

鳩頸血塗雞頭，不能起。御覽同上。方術部。

僵蠶使馬不食。注曰：馬齧人取僵蠶塗上唇，即止，不復齧人。御覽同上方術部。又卷八百二十五資產部。

馬蹄破罌。御覽卷七百五十八器物部。

雲母入地，千歲不朽。雲母在足，無踐棘。注曰：取大雲母塗足，跨棘不勾。御覽卷八百八珍寶部。

白芳七結。浴蠶。御覽卷八百二十五 資產部。芳字疑訛。

鹽能累卵。注曰。取鹽塗卵。取他卵置上。即累也。御覽卷八百六十五飲食部。又卷九百二十八羽族部。

犀角駭雞。注曰。取真犀角。一刻懸之。雞啄米至。輒驚却。故南人名為駭雞。御覽卷八百九十獸部。

人面擊地。飛鳥自下。注曰。取藥木為人形似鳥。而血塗人面。以擊地。鳥自飛下。御覽卷九百十四羽族部。

寒臯斷舌使語。注曰。寒臯一名鳩鴿。御覽卷九百二十三羽族部。

蝦蟇得瓜。平時為鶉。注曰。取瓜去瓣。置生蝦蟇其中。殺雞。以血塗瓜。堅塞之。埋東垣北角。深三尺。其平日發出之。以為鶉。御覽卷九百二十四羽族部。

天雄鶴胎。日行千里。注曰。取鶴鳥胎。於月中暴。一旦增天雄一月。用三十天雄。而并治為丸。大如梧子。欲行。吞一丸。再臆蛇膽。和天雄膽服。即行千里。御覽卷九百二十五羽族部。

鶴鴿致鳥。注曰。取鶴鴿折其大羽。絆其兩足。以為媒。張羅其旁。鳥聚矣。御覽同上羽族部。

烏啄蛇肝病不苦。注曰。蛇肝和丸。令人不倦。御覽卷九百四十二麟介部。

燒蟹致鼠。御覽卷九百四十二麟介部。

守宮塗臍。婦人無子。注曰。取守宮一枚。置甕中。及蛇衣。以新布密裹之。懸於陰處百日。治守宮。蛇衣分等。以唾和之。塗婦人臍。磨令溫。即無子矣。御覽卷九百四十六蟲豸部。

守宮飭女臂。有文章。注曰。取守宮新合陰陽者。牝牡各一。藏之甕中。陰乾百日。以飭女臂。則生文章。與男



子合陰陽輒滅去。御覽同上 蟲多部 又曰取七月七月守宮陰乾之治合以井花水和塗女人身有文章則以丹

塗之不去者不淫去者有姦。御覽同上 方術部 又卷三十一時序部云 七月七日採守宮陰乾之合以井華水下俱同

苓皮蟻脂魚鼈自聚。注曰取苓皮漬水中半燒石如炭狀以碎蟻脂置苓皮水中七日已置沼則魚鼈自

聚矣。御覽卷九百四十七 蟲多部

蠶龜塗布而雨自稀。注曰取蠶龜置甕中塗以膏百日然以塗布不濡也 御覽卷九百四十八 蟲多部 又曰取蠶龜與水

狗及猪肪置甕中密以新練仍懸室後百日視之蠶龜肥殺之以塗足涉水不沒矣。一云取蠶龜二七枚

內甕中合猪肪百日以塗足得行水上。故曰蠶龜塗足不用橋梁。御覽同上 蟲多部 又卷七百三十六方術部云取蠶龜塗布天雨不能濡之

竹蟲飲人自言其誠。注曰竹蟲三移竹黃十移治之欲得人情取藥如大豆撓酒中飲之不令醉以問其

事必得其實也。御覽同上 蟲多部

黍成蟻螬。注曰以秋冬雜黍中置鹽即生蟻螬也 御覽同上 蟲多部

青蚨還錢。注曰青蚨一名魚鳧或曰蒲以其子母各等置瓮中埋東行陰垣下三日後開之即相從以母

血塗八十一錢亦以子血塗八十一錢以其錢變互市置子用母置母用子皆自還也。御覽卷九百五十一 蟲多部

沙虱一名蓬活一名地脾。御覽同上 蟲多部

南山牡荊指病自愈節不相當有月暈時剋之。御覽卷九百五十九 木部

藥令面悅。注曰取藥葉三寸土瓜三枚大棗七枚膏和塗面不出四五日悅矣先以湯洗面乃傅藥 御覽同上

木部

夜燒雄黃。水蟲成對來。注曰。水蟲聞燒雄黃炎氣。皆趨火。御覽卷九百八十八藥部。

磁石懸八井。亡人自歸。注曰。取亡人衣帶。聚磁石懸磁石。亡人自歸。御覽同上藥部。又卷七百三十六方術部云。取亡人衣裹磁石。懸井中。亡人自歸矣。

取曾青十斤。澆以水。灌其地。雲起如山雲矣。曾青為藥。令人不老。御覽同上藥部。

白青得鐵。即化為銅。御覽同上藥部。

朱砂為頂。御覽同上藥部。

荅皮致水。御覽卷九百九十二藥部。

莽野浮魚。注曰。取莽艸。野竝。陳粟米。合擣之。以內水。魚皆死。御覽卷九百九十三藥部。

迴風之艸。見八方。注曰。取迴風草三寸三枚。五寸五枚。以城西面土三家石。及井中青泥。南雞欲上樓不

上者。并治。合為丸。磨其面目。出戶。視八方矣。御覽卷九百九十四百卉部。

以牡菊灰散地中。蛙盡死。御覽卷九百九十六百卉部。


酒薄復厚。漬以菹蒲。注曰。斷蒲漬酒中。百日出之。即酒厚也。御覽卷九百九十九百卉部。

老血為萍。注曰。聚血之精。至黃泉也。御覽卷一千百卉部。

已上淮南萬畢術逸篇附錄。許慎淮南子注。編後諸書徵引。每以正文與注混合。今竝為校定。其專

引注而無正文者。則不加注曰二字。

注曰二字。有原本有者。有原本作細字。而不  
題注曰。有正文與注連合作大字。今竝增題。



術畢萬南淮

遺補再 遺補附

著 安 劉  
輯 林 泮 茆

淮南萬畢術

本館據十種古逸  
書本排印初編各  
叢書僅有此本

# 序

漢書淮南王傳載劉安著內書二十一篇。外書甚衆。其中篇八篇。多言黃白變幻之事。藝文志有淮南內篇外篇。而不言中篇。意神仙之術。說多隱祕。故當時未著萬畢之名。惟隋志有淮南萬畢經。淮南變化術。唐志有淮南萬畢術各一卷。今其書久佚。後代所見萬畢術。散引於初學記。藝文類聚。太平御覽書中者。豈卽中篇遺蹟歟。雖言不雅馴。且大約索隱之流。多依附內篇爲之。然褚少孫補史記。已用其說。瓌奇詭異。足以動人耳目者。往往森然羅列其間。余故撮而錄之。以竊擬中篇遺蹟云。道光癸未八月既望。高郵茆泮林識。



# 諸書論述

史記龜策傳褚先生曰。臣爲郎時。見萬畢石朱方。

漢書劉向傳曰。淮南有枕中鴻寶苑祕書。書中言神仙使鬼神爲金之術。

葛洪神仙傳曰。漢淮南王篤好儒學。兼占候方術。作內書二十二篇。又中篇八章。言神仙黃白之事。名爲鴻寶萬畢三章。論變化之道。凡十萬言。

拾遺記蕭綺錄曰。淮南子云。含雷吐火之術。出於萬畢之家。方毳羽於洪鑪。炎烟火於冰水。漏海螺船之屬。飛珠沈霞之類。千途萬品。書籍之所未詳。自神化以來。神奇莫與爲例。豈末代浮誣所能窺仰天齡脩短之所效哉。

白帖曰。淮南王有鴻寶萬畢術。



